



ARUBAANSE COURANT

DIARIO ARUBANO

DACCION Y SUBSCRIPCION TEL: 2116
MANAGEMENT Y ANUNCIO TEL: 1116
MANAGER: E. WOUTERS

DIASABRA 2 DI OKTOBER 1965.

EDITA PA: ARUBAANSE DRUKKERIJ, UITGEVERS
A PUBLICITEITS MIJ N.V.
IMPRIMI PA: DRUKKERIJ "DE STAD"

NOS SOBERANA JULIANA Y PRINS BERNHARD TA MEI MEI DI NOS



ORANJESTAD - Porfin.... at'e aya..... un dede a muestra den halto y mesora e wowonan di e cientos di hende cu a reuni na aeropuerto a dirigi nan mes den halto pa mira e avion chikito cu tabata brilla den solo. Tabata algo prome cu nueb'or y e avion den cual e huespednan real tabata sinta a worde descubri. Poco poco e avion tabata bira mas grandi, perdiendo un rato den solo pero pa despues dal cu su wielnan riba e pista, asina sigi lora riba te na final di e pista. Na e mesun momento e cruzero "De Zeven Provinciën" lo mester a laga resona 35 tiro di saludo for di cayonnan y na Basiruti e estandarte real a worde hiza. Su Mahestad Reina Juliana Regina y su Alteza Real Prins Bernhard a jega y ya ta mei mei di nos.....

Porta a habri y ningun otro cu Mahestad tabata e prome pa bira cu e solo tropical di nos isla. Sigi pa Prins Bernhard y despues su ayudantenan, e dianan pisa cu ta tras di e bamba pero cu un sonrisa riba su cara nos reina a cuminsa tuma e bome impresionan di Aruba. Bisti den un shimis color berde c' un sombre di kanchi blanco Mahestad a baha for di trapl di avion. Despues di aparascucha notanan di Wilhelmus y e marcha antillano, Su Mahestad a worde presenta na e comandante di marinerskazerne Savaneta, majoor

E. Graaff y luego el a efectua e inspeccion di e warda di honor di marina.

FATUM
Pa tur bo aseguran
Tel. 1848

Acompaña pa gobernador N. De-brot, ministro presidente E. Jonckheer y gezaghebber Henriquez, Su Mahestad y Prins Bernhard a pasa entre e padvinder-nan, na unda e hobencita Ilva Wernet tabata cla c' un boeket di flor pa entrega su reina. E entre-

ga aki tabata corto pero cordial y Su Mahestad no por a keda sin bira cara un rato pa bolbe hari cu Ilva.

C' un aplauso largo e publico cu tabata hopi pega di e suceso aki a demonstra nan aprecio pa loka nan tabata presencia.

E ultimo punto riba e programa promer cu e bishitantenan halto a bandona aeropuerto, tabata e presentacion di Reina y Prins na e comision di recepcion cu tabata consisti di mas o menos treinta persona. Un pa un diputado I.S. de Cuba a presenta e personanan aki na e pareha real.

Despues cu ya e pareha real a drenta auto, e viaha e sigi poco poco pa Basiruti cu e pareha mandando saludo pa e personanan cu tabata aline a canto di camindapa saluda e Soberana.

AUBADE TUR AFO

Bisti cu petchinan oranje y rood wit blauw cu e mucha muhernan di Huishoudschool Mater Dei a cose pa nan, multitud grandi di muchanan di scol a duna e pareha real un aubade di kita sombre ayera mainta.

Bau direccion di frerenan Alexius y Caspar y sr. Derksen e muchanan a canta cancionnan, di cual un tabata na Papiamentu cu a cal na smaak no solamente di e bishitantenan, sino tambe di tur cu a scucha e aubade.

Hasta e muchanan a combina nan canto cu ballamento ora cu e ultimo numero "Awor nos ta bai nos cas" a worde interpreta.

Y e muchanan a bai cas contentu pa motibo cu Su Mahestad den su palabranan di gradicimento a duna como regalo un dia liber dialuna awor.

ALTAAR DI NOORD Y NUTRI-CULTURE FARM

Despues di e aubade e pareha real y compania a sigi pa iglesia di Noord, na unda na nan jegada Lourdes Figaroa di 6 anja di presenta flor na Su Mahestad. Despues cu pastoor Nooyen tambe

NOCHI ARUBANO NA HONOR DI REINA Y PRINS A ENFOCA CULTURA ARUBA DEN TUR SPLENDOR

ORANJESTAD,

Varios cien hende a reuni a-yera nochi paden y pafor di cen tro cultural pa spera jegada di su Mahestad Reina Juliana y Prins Bernhard pa asisti na e programa cultural na nan honor. Un aplauso a resona ora cu minis tro E.O. Petronia y Gezaghebber O.S. Henriquez a saluda e soberana y e prins nan nan yegada. E reina a keda basta rato dillan ti e edificio den combersacion cu Srs. Petronia y Henriquez, di manera cu e publico por a hanja suficiente oportunidad pa presenci'e un poco di cerca. Na entrada di e sala frere Kaspar y dos miembro di De

a ofrece un regalo na e bishita halto y cu e alta impresionante di e iglesia a worde admira, e paseo a sigi pa Nutriculture Farm na Paradijs.

Aya e diputado A. Falconi a ricibi e bishitantenan y mesora a presenta nan na sr. R. Jones, director di e farm sr. T. Barnes, e asistente. Riba e mesa jen di productonan di farm tabatin tambe un foto grandi di Prinses Beatrix c' un milon den su man.

Despues cu e pareha real a haci un paseo rond di e farm, sigi pa e wowonan di hopi interesado, e viahe, a sigi pa Basiruti, na unda e pareha a jega pa diezdos'or di merdia.

BISHITA NA PARADERA Y INAUGURACION K. SCHOOL.

Den horanan di atardi, despues di a come den Aruba Sheraton Hotel huntu cu e miembronan di Eilandsraad y otro instancia nan na Aruba, e pareha real a bishita Maria Goretti College na Paradera. Aya e huespednan a worde ricibi pa diputado I.S. de Cuba. Aki tambe tabatin hopi hende cu a bini huntu pa mira Reina Juliana di cerca. Despues cu sr. De Cuba a presenta zuster Melecia, representante di e school bestuur, srta. Mascoline Croes, cabezante di e scol y sr. Oslin Boekhoudt, cabezante di e scol na Su Mahestad y Prins Bernhard e huespednan a subi auto pa nan proximo bishita na e kleuter-school nobo na Santa Cruz.

Bernadette Geerman di 5 anja a presenta na Su Mahestad esker cu cual e ultimo aki a corta e cinta, habriendo di e manera aki e scol oficialmente. Riba e speelplaats cu dak e muchanan di scol a balla e balie di cinta na honor di Reina Juliana y Prins Bernhard, demostrando asina nan admiracion y respet pa e bishitantenan halto.

Trupialen " tabata para cla pa entrega su Mahestad y Prins Bernhard un buki di e acontecimien-tonan cu lo a tuma lugar durante di e anochi artistico.

Tumando asiento mas adilanti despues di a ricibi un otro fuer te aplauso di e invitadonan cu ya tabata sinta den e sala, e reina y prins mesora a muestra hopi interes pa e artistanan cu lo pre-senta den e programa y cu hopi atencion nan tabata studia e pun-tonan di e programa. E mester bisa cu despues cu nan a worde presenta pa e maestro di ceremonia Pina-Lampe, E artistanan local, sin excepcion di

Continuacion riba pag. 2



Durante e bishita di ayera mainta na Nutriculture (Hydroponics) Farm na Paradijs, e gerente di e farm, sr. Robert Jones (na robes) ta dunando e pareha real algun aplicacion tocante e productonan di e farm.

TA BUSCA

Un mucha bomber pa parti
Courant na Siribana (Sta. Cruz

E MESTER TIN
BICICLETA.

Pa informacion acudi na oficina
di Arubaanse Courant, Boer-
havestraat 12.

Tel. 1116/2116.

BEBE.



Nunca E ta Varia

RADIO ANTILIANA


e emisora cu ta cuminsa mas promer cu su
labor na Aruba, y ta sera ultimo
y riba Diadomingo te marduga.
radio antiliana 775Kc- 388 m ARUBA.

Continuacion di pag. 1

ningun, a brinda su Mahestad y
Prins Bernhard un ofrenda Musi-
cal jen di colorido y animo
demostrando di tal forma e nivel
halto di e interpretacionnan di
gruponan local.
Mester duna credito na e bon
actuacion di de Trupialen, Maria-
chi Perla di Aruba, Los Llaneros
Savaneta Steel Orchestra, Padu
Del Caribe, E pareha di Ball-
expoppy Paula y Romo Fingal,
Trio Huasteca, conhunto Folklori
co Arubano, e Baile di Dorinda

Croes y Adelaide Arends, Con-
hunto Tipico Antillano, Rufo O-
dor y Nilca Franka.

Den e programa aki cu a trans-
curri sin ningun estorbo e Pa-
reha Real berdaderamente a goza
di loke a ser presenta y cada
biaha nan tabata demostra nan
aprecio pa e un fuerte aplau-
so. Despues cu tur e artistanan
en conhunto a canta "Aruba Dus-
hi Tera" como despedida na pa-
reha Real, a jega un fin na e
 exitos nochí Arubano aki.



Esaki ta e regalo di e Territorio Insular di Aruba pa e Pareha
Real na ocasion di nan bishita na nos isla.
Ta trata aki di un pida palo di kwhi den cual tin un cuadro di e
historico Fort Willem III y un oloshi mas ariba.

BENDEMENTU PUBLICO

Ariba Diarazon 13 di October 1965 pa 5^o or di atardi, lo tin den
cafe-restaurant "Trocadero" na L.G. Smith Boulevard 15 na
Oranjestad, Aruba, den presencia di Notario suscrito segun po-
der irrevocable bendementu publico di:

Cuatro cas-vivienda di blokkie R.C. 23, 25, 27 y 29 / 29A
na Rooi Congo riba resp. 405 M2, 374 M2, 862 M2 y 394 M2 di
tereno erfpacht.

Cada uno conteniendo: veranda, sala-comedor, cushina, 3 kam-
ber y panjo.

Na uso manera ta sigi:

R.C. 23: na huur pa f. 80.-- pa luna sin contracto.

R.C. 25: liber di huur.

R.C. 27: (cas nobo) na huur pa f. 155.-- pa luna te dia 15 di april
1966.

R.C. 29 : na huur pa f. 40.-- pa luna; R.C. 29A pa f. 20.-- pa
luna tur dos sin contracto; un cuarto liber di huur.

Tur inscribi na nomber di Sr. Jean Robert Conner, chauffeur,
residencia na Aruba (C. 95-68; C. 94-88; C. 96-3 y C. 64-63)

E CASNAN LO WORDE OFRECE CADA UNO SEPARA Y EVEN-
TUALMENTE TAMBE DEN COMBINACION

Tur dia tin ocasion pa mira e casnan entre 4 y 6^o or di atardi.
HYPOTHEEK DISPONIBEL PA CUMPRADOR SOLIDO.

Pa más informacion acudi na oficina di suscrito:

Notario Felix E.J. Thijssen,
L.G. Smith Boulevard 59,
Tel. 1071.

WHITE HORSE OF COURSE!



WIRCO

Itch Germs Killed In 7 Minutes

Your skin has nearly 50 million tiny
seams and pores where germs hide
and cause terrible Itching, Cracking,
Eczema, Peeling, Burning, Acne,
Ringworm, Psoriasis, Blackheads,
Pimples, Foot Itch and other blem-
ishes. Ordinary treatments give only
temporary relief because they do not
kill the germ cause. The new discov-
ery, Nixoderm, kills the germs in 7
minutes and is guaranteed to give you
a soft, clear, attractive, smooth skin
in one week, or money back on return
of empty package. Get guaranteed
Nixoderm from your chemist today and
remove the real cause
of skin
trouble.

Nixoderm
For Skin Troubles trouble.

nieuwe opleidingen
**algemene
ontwikkeling
1 en 2**

Een goede basis voor meer vak-
gerichte studies in de techniek,
voor het kantoor en de handel.
De cursus omvat de vakken
Nederlands, Rekenen, Aardrijks-
kunde, Praktisch Engels en Een-
voudige Natuurkunde. Elk deel
duurt 9 maanden.

De cursus leidt op voor het
(uitsluitend schriftelijke) examen
dat eenmaal per jaar op de
Antillen wordt afgenomen door
de Stichting L.O.I.-examens.

Administratie
Praktisch boekh.
Med. Bedrijfsadmin.
Statistiek
Handelsrekenen L.O.
Secretarische
Steno Ned. Engels
Kantoorassistent(e)
Magazijnmeester
Loodsmansopleiding
Moderne economie
Economie M.O.
Arbeidsanalist
Talen
Nederlands, Spaans
Engels, Duits, Frans
S. Engels
(met grammofoonpl.)
Technisch Engels
Handelscorrespondentie
Nederl. - Spaans
Eng. - Frans - Duits
HBS A/B, Olym. A/B
Voorbereidende
cursussen

Mulo A en Mulo B
Technische opleiding
Leerling-takenaar
Autotechniek
Radio-Elektronica
Souw. Waterbouw
Topograf. tekenaar
Landmeetkunde
Laborant(e)
Chem. bedrijfsstechn.
Technisch tekener
Werk. met S.B.B. B
Wielende L.O./M.O.
Voor de v.w.v.
Kinderverzorging
Jeugdzorg
Dokters. Apoth. ees.
Schoonheidsspec.
Tekenaar-architect
Vrij tekenen-schild.
Mode. Reclametek.
Tekenen L.O.
Schriftv. M.O.
Copywriter

Van de cursus met een * kunt
u op de Antillen officieel examen
afleggen.

Vraag vandaag nog een gratis
prospectus aan of ge eens pra-
ten met onze vertegenwoordiger,
de heer P. van Sprang, Wilhel-
minaplein 13, Willemstad.

Telefoon 12640.

Op Aruba kunt u een prospec-
tus en een studie-advies vra-
gen aan de heer A.C. de Vries,
Wilhelminastraat 18, Telefoon
3258

**LEIDSCHE ONDERWIJS
INSTELLINGEN**
Instellingen
zonder winstdoel



Reina Juliana y Prins Bernhard ta worde acompaña pa zuster
Mechtilda y e presidente di e parochieraad pa e speelplaats cu
dak di e kleuterschool nobo di Santa Cruz.

MAS DI 150 PERIODISTA, REDACTOR Y FOTOGRAFO DI U.P.I. LO CUBRI BISHITA DI PAPA NA N.U.

NEW YORK -- UPI -- Mas di 150 periodista, redactor y fotografo di United Press International lo cubri dialuna proximo bishita di su Santidad Papa Paulo Sexto na Nacionnan Uni. Personal di United Press International lo ta na orden di Louis Cassels, redactor religioso di empresa periodistica.

Mas o menos 35 reportero lo ser staciona na varios punto a lo largo di e ruta cu e caravana di auto di Santo Padre lo sigui for di e Aeropuerto Internacional John F. Kennedy, pasando pa barrio di Queens, te na e catedral di San Patricio, den e isla di Manhattan.

United Press International lo informa detalladamente tur e acontecimientonan di e estadia di Papa na New York; bishita na catedral di San Patricio; su entrevista cu e presidente norteamericano, Lyndon B. Johnson, den hotel Waldorf Astoria; su allocucion na Asamblea General den Nacionnan Uni, su reunion cu lidernan protestant y judewnan den Iglesia di Sagrada Familia, e "Misa di paz cu Papa" lo hasi den Yankee Stadium, su bishita na Feria Mundial y su partida.

Nan lo usa ademas un redcomunica y extensa di comunicacionnan, cu lo inclui radio transmisoran receptor, cu lo hiba ereporteronan staciona a lo largo di e ruta, den aeropuerto Kennedy, den catedral di San Patricio, den hotel Waldorf Astoria, Nacionnan Uni, stadion di Yanqui

y Feria Mundial.

E informacionnan lo ser transmiti di e manera aki directamente ne oficina principal di United Press International na unda nan lo ser redacta y corregi pa mas o menos 30 periodista y manda despues na henter mundu pa e red di comunicacionnan di United Press International.

Mas di 50 fotografo lo cubri bishita di Papa. Radiofotografianan di Santo Padre lo ser transmiti durante henter tempu cu su estadia lo dura na New York, pa intermedio di red "Unifax" di United Press International na Merca y henter mundu.

Ademas di su recursonan regular e seccion di fotografianan di United Press International a prepara gruponan especial cu e equipo necesario pa revela, imprimir y transmiti fotografianan.

Esakinan lo ser destaca na aeropuerto Kennedy, Iglesia di San Patricio, Nacionnan Uni, Yankee Stadium y pabellon di Vaticano na Feria Mundial.

Lineanan especial lo establece comunicacionnan entre e puntonan cu oficina principal na New York.

Tin proyecta tambe transmision di fotografianan na color pa e clientenan di United Press International den henter mundu.

Audio di UPI, servicio di noticianan di United Press International pa radio, lo transmiti narracion detalladamente di e bishita pa su red di mas di 140 estacion pa henter Merca, cu enfasis especial ne yegada partida y presentacionnan principal di Santo Padre den Nacionnan Uni y Yankee Stadium.

Seccion cinematografica di United Press International lo proporciona pelculanan pa estacionnan di television den henter mundu, ademas como coordinadora di un servicio general y den colaboracion cu television norteamericana, United Press International lo filma momentonan mas destaca di e bishita di Santo Padre na color.

DOS AVION MERICANO TUMBÁ RIBA VIETNAM

SAIGON -- UPI -- Dos avion norteamericano a ser tumbáriba Vietnam del Norte y, segun un portavoz militar a bisa awe, ta ser pensa cu un di nan a cai pa efecto di un proyectil di tierra. E otro a ser abati pa fuego di artilleria antiaerea.

(Na Washington e secretario di defensa Robert McNamara, a confirma cu un avion a reaccion norteamericano a ser abati riba Vietnam del Norte pa un proyectil tele dirigi for di tierra.

E avionnan cu a cai tabata forma parti di un fuerza di 36

aparato cu ayera a ataca e brugnan di Ninh Binh, na mas o menos 80 kilometer na sudeste di Hanoi.

Un aparato F105, di fuerza aerea, ta esun cu nan ta kere cu a cai pa accion di un proyectil di construccion sovietica. E otro avion cu a cai ayera tabata un F3C Phantom, cu dos tripulante.

Ningun di e otro pilotonan cu tabata forma parti den e escuadrilla atacante a informa di a mira paracaidanan habridespues cu e dos avionnan a cai.

E F105 tabata e di cuater aparato abati pa un proyectil teledirigi desde cu Estados Unidos a cuminsa e bombardeonan sistematico contra Vietnam del Norte. Dia 24 di juli a cai un F4C di e fuerza aerea, y e marina a perde otro dos avion di e mes un manera.

Mientras tanto, e gobierno di

Vietnam del Sur a ehecuta cinco vietnames prome cu awe mainta, den e plaza di mercado central, ubica den centro di Saigon.

Fuenternan policial a bisa cu e fusiladonan ta culpabel di a comete delitonan tal manera homicidio, violacion y robo. Nan no tabata conoci como miembro di Vietcong comunista.

Cu anterioridad, Vietcong a ehecuta tres prisionero di guerra norteamericano, como represalia di fusilamientonan di terroristan comunista pa gobierno di Saigon.

Diadomingo tabatin lugar ehecucionnan di e dos ultimo norteamericano.

E ehecucion di awe marduga a ser realiza sin anuncio previo, mientras 300 solda tabata aisla accesonan riba e plaza. Te na ultimo momento a ser permiti acceso di periodistanan.

VACINACION CONTRA INFLUENZA NA MERCA

WILLEMSTAD--Den e revista Medical Letter on Drugs and Therapeutics di fecha 10 di september 1965, a sali un articulo publica di parti di Departamento di Salubridad Publica di Merca den cual nan ta Hasi recomendacion tocante e Inmunisacion di Influenza durante e periodo di invierno di 1965 pa 1966.

E instituto a observa cu e enfermedad aki durante e periodo di 1964 pa 1965 tabata basta reduci na Merca pero en vista di e ciclo di dos a tres aña qu ta característica pa e enfermedad aki, e comision di salubridad ta spera un mas gran cantidad di casonan di influenza na Merca den lunanan venidero.

Mescos qu den pasado, e comision consehero di salubridad publica a hasi e recomendacionnan necesario pa e gruponan di persona, entre cualnan Influenza por causa mas tantu morto y e grupo-

nan aki ta:

1 - personanan qu enfermedadnan cronico of qu ta zwak, especialmente na curason of pulmon of personanan qu ta sufi di diabetes.

2 - Muhernan na estado, den cual grupo tabatin un aumento di mortalidad, durante e epidemia di 1957 pa 1958, aunque e aumenta aki no a ser anota mas for di e tempu ei.

3 - Personanan riba 65 aña di edad, especialmente esnan cu ta permanece den casnan di viehes, institucionnan den cual ta cuida hen de malu y hende bleeuw caminda tin lugarnan yen di hende riba otro y caminda e infeccion por plama masha rapido.

E departamento di servicio publico di Merca ta recomenda qu mester cuminsa vacuna for di september te cu December pa por ta protege contra e enfermedad aki.

NO VACILA MAS ...

**TIN SUFICIENTE MOTIBO PA CUMPRÁ
UN AIREACONDICIONADO**

Carrier

1965 AIREACONDICIONADO PA KAMBER

... fresco manera primavera y

un toque nobo y personal

Awor, for di e lider den aireacondicionado, un linea completamente nobo di airco CARRIER pa kamber, desarrolla despues di tres anja di experimentonan y testmento Nunca bo a mira modelnan cu tantu partinan patentado... estilo mas atractivo... y valor mas grandi. Nan ta dunabo anjanan di confortabilidad den bo sercania. Bin mira nan bo mes! Gran variacion di capacidad: 8500 pa 23.500 BTU's

PRIJSNAN ABAO

**... BIN
... MIRA
... Y CUMPRÁ**

N.V. ANTILLIAANSE MIJ. GEBR. VAN SWAAY

ARUBA - FERGUSONSTRAAT 41
Telefoon 3141-1878

Dia pa dia mas hende ta pone nan confianza
den Airco Carrier, cu den cualquir otro marca

CURACAO-WILLEMSTAD
Schottegat-Oost
Telefoon 360 01-36041



Na nan jegada na hotel-club Basiruti e Pareha Real a worde saluda pa e gerente sr. Jorge Camara y senjora. Durante nan estadia na Aruba e Pareha Real lo hospeda na Basiruti.



E foto aki ta muestra e pareha real, huntu cu ministro Petronia, para riba e balkon di Landskantoor ta scucha e canto di e muchanan.



Den companianan di S.E. ministronan E.O. Petronia y L. Beaujon e Pareha Real a yega na Landskantoor pa scucha e aubade tur afo cu e hubentud di Aruba a brindé.



Den centro por mira S.M. Reina Juliana, na su man robesz S.A.R. Prins Bernhard y na su man drechi S.E. Ministro E.O. Petronia scuchando e aubade di e muchanan di scool.



Un multitud basta grandi ta mira con e pareha real ta dirigiendo nan mes pa e kleuterschool nobo na Santa Cruz.



Un bista riba e multitud grandi di muchanan di scool cu a duna e Pareha Real un tremendo ovacion ayera mainta riba Juancho Irausquin Plein dilanti Landskantoor.



Na honor di e pareha real e alumnonan di e kleuterschool ta balla e baile di cinta riba e speelplaats. E evento aki a ser masha aprecia pa e bishitanan halto.



Na e momento aki Su Mahestad a caba di baha for auto dilanti di iglesia Santa Ana, na unda el a ricibi un regalo y tambe a admira e altar di e iglesia aki.



Su majestad ta efectuando e apertura di e kleuterschool catolico na Santa Cruz door di corta e cinta, pa cual el a ser invita door di zuster Mechtilda. Bernadette Geerman di 5 anja di edad a presenta e sker na su Mahestad. Prins Bernhard ta para mira cu atencion.



Un ovacion tremendo e muchanan di school di Aruba a duna e pareha real ayera mainta dilanti plenchi di Landskantoor. E foto ta duna un bista di con contento e muchanan tabata, maske cu na e momento aki ainda su Mahestad no a dunanan nan dialuna liber. Esaki tabata un parti di e mas cu 3,000 mucha cu a asisti na e aubade.



Aki un parti di e pueblo di noord cu a aglomera dilanti iglesia Santa Ana pa por a hanja algo di e bishitantenan mira.

INDIA NO TA DISPUESTO PA STOP DISPUTA DI CACHEMIRA

Pa Bruce W. Munn.
NACIONNAN UNI -- UPI -- E minister di relacionnan exterior di India, Sardar Swaran Singh, a cuminsa awe na trata di convence e cuater mayor potencia nan mundial cu su gobierno no ta dispuesto na cede den e disputa cu Pakistan en torno di Cachemira.

Mientras na Nueva Delhi tabata circula versionnan di concentracion di fuerzan di Pakistan, como violacion di e orden di cesacion di hostilidadnan di e consejo di seguridad di NN.UU. Singh tabata conferencia cu e minister di RR.EE sovietico, Andrei Gromyko, y su colega frances Maurice Couve de Murville.

Den fuentenan diplomatica informa a ser bisa cu Singh a expone tres puntu den e promecontactonan aki cu e representantenan di Moscu y Paris. A ser indica cu e mesun orientacion lo ser sigui ora e entrevista mañan cu e secretario di estado, Dean Rusk, E puntonan ta lo siguiente:

-- India ta dispuesto na cumpli e orden di alto di fuego pero ta insisti cu e lo no hasie di manera unilateral, largando Pakistan den libertad di continua e hostilidadnan.

-- India ta dispuesto na respetar e resolucion di e consejo cu ta pidi retiro di e fuerzan arma na e posiconnan cu nan tabata ocupa dia cinco di augustus, pero lo e hasie unicamente ora Pakistan acepta e responsabilidad pa infiltracion di elementonan "irregular" y di fuerzan cu uniforme. Pakistan ta sostene cu esakinan ta "patriotanan" cu ta yuda nan concludananon di Cachemira.

-- India ta terco na discuti un arreglo politico pa e cuestion di Cachemira y lo e no hasie di ningun forma te ora e orden de cesacion di hostilidadnan y retiro di tropnan ser cumpli cabalmente.

Pakistan oficialmente a presenta dos protesta, entre tanto, ante e secretario general, U Thant pa supuesta violacionnan "serio" di e cesacion di hostilidadnan pa parti di fuerzan india.

VERWIJDER HET VET

Wanneer vet Uw figuur ontstert of U kortademig maakt en Uw gezondheid in gevaak brengt zal het voor U gemakkelijker zijn een half pond per dag in gewicht te verminderen met de nieuwe Hollywood methode, genaamd Formode. Geen drastisch dieet of oefeningen. Volkomen ongevaarlijk Vraag Uw apotheker naar Formode en begin morgen met Uw vermageringskuur.

TA BENDE

(Toer den bon condicion)

Televisor, Radio Pickup, Set di Comedor, Set di Sala, Tulaet, Cashi pa paña, y varios otro articulo mas pa uso di cas.

Pa mas informacion acudi na: Montpelestr. 3 (Pabauw di Lago Heights Club). Tel: 5583.



Na number di e poblacion di Aruba, e hobencita Ilva Wernet, a entrega un rama di flor na su Mahestad Reina Juliana, Esaki a tuma lugar na aeropuerto. Algun minuut despues cu e pareha real a yega Aruba.



Ayera atardi cuater pasa di cuatro S. M. Reina Juliana den compania di su esposo Prins Bernhard a bishita e school catolico di mucha muher, Maria Goretti College na Paradera. Na jegada di e plenchi di school e pareha real a worde saluda pa diputado I.S. de Cuba, kende na su turno a presente zuster Melecia, representante di e schoolbestuur, srta. Mascoline Croes, cabezante di e school y sr. O. Boekhoudt, cabezante di St. Martinus de Porreschool, na e pareha halto. Riba e foto: na e entrada diputado de Cuba, S.M. Reina Juliana, y cu lomba pa e camera gezaghebber Henriquez y S.A.R. Prins Bernhard.



Tras di loma di Prins Bernhard ainda su Mahestad Reina Juliana a hanja chens pa cambia di sonrisa cu Ilva Wernet, kende a caba di entreg'e un rama di flor.



BASEBALL ROUNDUP

LOS ANGELES--UPI--Dodgers di Los Angeles, completamente dicidi pa gana e banderín di Liga Nacional, diahuebs anochi a blanquea Bravos di Milwaukee cu score di cuater-cero. Don Drysdale a permiti solamente tres hit na Bravos. Cu su victoria Los Angeles a mantene nan ventaha di dos wega riba e otro rivalnan pa e prome puesto Gigantes di San Francisco cu a vence Rojas di Cincinnati cu score di 5-3.

Drysdale durante e encuentro no tabatin dificultad ningun biala y Dodgers a tuma delantera di segundo inning cual a resulta es un decisivo.

E gran lanzador a hiba Dodgers na nan diestres victoria consecutiva, y faltando solamente tres wega pa hunga.

E pitcher derecho quende awor su record ta 23-12, tabatin control casi perfecto durante tur e

wega y no a duna ni un base por bola.

Ademas el a empuha un carreda, connectando dos hit den tresturno na bate. Su promedio ofensivo a bira .302 ademas el a retira e pome 14 bateadornan di Milwaukee en linea.

E pitcher habridor di Bravos Hank Fischer a duna base por bola na Fairly cuminsando e segunda inning y despues a permiti hit na Lou Johnson. Fairly a pasa pa rolling, Forzando Johnson na segunda, mientras Fairly a anota Jim a pasa pa tercera riba hit di Roseboro y Drysdale a sigi cu hit pa un carreda mas.

Dodgers ta bolbe anota den quinto y sexto inning. Esun di quinto tabata sushi ora John Roseboro a anota, na momento cu catcher Joe Torre a tira pa segunda riba e di 94 robo de base di Maury Wills.

Serie mundial ta cuminsa diarason proximo y si Dodgers di e ciudad aki gana, manera tur costa indica, nan lo no conta cu e actuacion di nan mior pitcher den e prome wega contra Minnesota Twins, e campeonnan di Liga Americana.

Diarason proximo ta Yom Kippur dia di pordon, e dia mas sacrado di e judionan.

Sandy Koufax e gran pitcher di Los Angeles Dodgers ta judio, y den su contract ta stipula cu e tin derecho di dlanan liber tur dia di fiesta cu ta ser celebra pa judionan (hudleu).

PAGINA DEPORTIVO



mina temporada cu 21 victoria consecutiva pitchernan di Dodgers a permiti 14 carreda den e ultimo 13 victorianan.

Drysdale di seis pla y seis inch cu un peso di 220 liber a marca su di 23 victoria di anja.

Manera ta customber Dodgers a hasi uso di nan velocidad pa probacha di e victoria, Maury Wills su di 94 base roba forzando un mal tiru, y dos hit un base por bola y un sacrificio fly a produci carredanan di Dodgers.

E total di ponche di Drysdale awor a yega 210, y e lanzador no a permiti un hit sino te den quinto inning na Felipe Alou.

Solamente den octavo inning e tabata den un problema chikitu ora Joe Torre a conecta di hit y doblete di Mike de la Hoz a pone corredornan na segunda y tercera cu un out, pero el a retira e dos bateadornan di emergente Gene Oliver cu fly y Dennis Menke cu ponche.

Claude Osteen 15-14 ta señala pa pitcha pa Dodgers awe noch contra Denny Lemaster 6-13 pa Bravos. Giants tin Bob Bolin 13-5 contra Sammy Ellis 21-10 di reds programma pa awe noch.

Gigantes a registra un victoria di 5-3 riba Rojas diahuebs anochi ora Orlando Cepeda a pega homerun di dos carreda den nobeno inning. E gran primera

base a entrega su bataso ganador despues di un hit di Hal Lanier. Masanori Murakami trahando den relevo di e ganador di 22 wega Juan Marichal a ricibi credito pa su cuarto victoria, mientras Joe Nuxhall ganador di 11 wega a sufi e derrota.

Cardenales di San Louis a gana Houston Astros 19-8 den e unico otro wega di Liga Nacional.

Minnesota, Twins a derrota Orioles di Baltimore 7-6 den e unico wega di Liga Americana.

Lou Brock y Curt Flood tabatin cuater hit cada uno y Jerry Buchek a empuha cinco carreda cu un homerun, un doblete pa encabesa e ataque di 19 hit di e campeonnan mundial Cardenales di San Louis cu a duna Nelson Briles su tercer triunfo.

Chuck Harrison tabatin tres hit pa Astros.

Jim Kaat a obtene su di 18 victoria pa Minnesota cuayudo di un homerun cu basenan carga di Zollo Versalles y un pitcheo formidable di relevo durante dos inning y dos tercio di Al Worthington.

DESPUES CU NAN A BABA KRUSCHEV RUSIA TIN DIFICULTADNAN DEN SU PROPIO PAIS Y DEN ESTRANHERO

MOSCU -- UPI -- E dirigente di Kremlin, Leonid Brezhnev, a bisa awe francamente na pueblo ruso cu Rusia tin dificultadnan grave den su propio pais y den estranhero, despues cu nan a baba Nikita Krushchev for di poder.

Brezhnev a bisa cu en lo internacional e relacionnan sovietico-norteamericana a yega ne punto di "congelacion", pa e situacion di Vietnam.

Ex secretario general di Partido ruso a hasi un promesa nobo di apoyo militar a comunistanan norvietnames. Declarando cu nan lo duna nan ayuda "considerabel".

Na mes momento el a bisa cu China Comunista a rechaza "Rama de Olivo" cu Kremlin a ofrece anja pasa; pero Brezhnev a promete di sigi trata di resolve e pleitu ideologico.

E observadornan diplomatico ta bisa cu Brezhnev a expone un cuadro escalofriante di un nacion virtualmente atrapa mei mei di coloso mundial.

Brezhnev a retira den su discurso di 15. palabra - cu organo di e partido, Pravda ta publica - cu e nacion mester reforma tur su sistema economico pa caba cu "irresponsabilidad, papeleo, actitudnan burocratica, delegacion di funcionnan y defecto grave den nos planificacion".

E orador a señala urgencia di e programa di reformanan expone pa e promer ministro Alexei Kosygin den e sesion secreto di e Comité Central di e Partido y a bisa cu e ganancia-nan y simplifica control industrial centralisa lo ta cimentonan di e "politica nobo" di Kremlin.

E gobernante sovietico a cita un ehempel di chapuceria cu loque mester caba: un perforadora di pitroleo cu nan no por a fabrica pasobra tabatin mester di firma di e funcionarionan di 15 organismonan distinto.

"E number di proyectonan di construccion sin termina ta aumenta, mescos cu volumen di equipo no instala. Masaha hopi recurso monetario y material ta inmovilisa pa hopi tempu", Brezhnev a añadi.

Refiriendo ne relacionnan entre Moscu y Washington, Brezhnev a bisa: "Nos ta manifesta Merca claramente cu e normalizacion di nos relacionnan ta incompatible cu e agresion armada di imperialismo norteamericano na Vietnam. Di e manera aki nos relacionnan futuro cu Merca ta depende di cu e gobiernantenan di e pais el lo tin suficiente sentido comun pa bandona politica di ataquenan agresivo contra

paisnan socialista".

Brezhnev a continua bisando cu Rusia tin relacionnan "malu cu Gran Bretaña pasobra e pais aki ta apoya politica di ataque-nan agresivo contra paisnan socialista".

Brezhnev a continua bisando cu Rusia tin mal relacionnan cu Gran Bretaña pasobra e pais aki ta apoya politica norteamericana na Vietnam y cu Alemania Occidental pa cual el a califica di politica di "revanchismo y militarismo" di Bonn.

En cambio e hefe sovietico a destaca Francia bisando cu Rusia a duna "pasonan importante" pa mehora relacionnan cu nan a califica cu no ta malu.

RUSK Y GROMYKO TA SIGUI APOYA GESTIONNAN DI N.U.

NEW YORK -- UPI -- E secretario di estado, Dean Rusk, y e ministro sovietico di relacion exterior, Andrei Gromyko, a acorda na continua apoya gestionnan di Nacionnan Uni pa resolve problema di Cachemira.


No obstante nan empeño, sin embargo nan no a logra elimina nan diferencianan basica riba e manera con nan lo pone fin ne carreda nuclear.

Rusk y Gromyko cu a reuniayera noch den habitacionnan di e hotel neoyorquino na unda e promer menciona ta aloha, aparentemente a evita un discusion concreto riba e cuestion di Vietnam, cu segun Moscu a afirma, ta impedi mehoramiento di e re

lacionnan entre Washington y Moscu.

E conferencia di e ministronan di relacionnan exterior a dura un total di dos ora y 50 minuut; el a caba poco promer cu diezun or di anochi. Ambos canceller a acorda reuni atrobe diabierne anochi, durante un cuminda, den e sede di e delegacion sovietica na Nacionnan Uni.

Ora cu e entrevista a caba Gromyko a bisa periodistanan cu e temanan principal di su conversacion cu Rusk, tabata Cachemira y desarme. Esaki a ser confirma pa un vocero di Rusk, e secretario adjunto di estado James Greenfield.



ESCAPE -- Tin mester di mas di tres infielder pa saca e corredor Don Buford di Chicago White Sox, quende a sinja trikinan di pinja durante e anja cu el a hunga futbol americana den e club Southern California como halfback. Buford a ser sorprende na tercera (foto arriba cu Aubrey Gatewood na drechi y Paul Schaal na robes. Den e foto meimei e ta sali cu direccion pa home caminda e ta cohe brake, ora Schaal pasa cu e bala. Mas abao Buford ta bai tercera back cu catcher Renew su tras, pero e compañero Danny cater tambe ta na tercera y ta bira victima.

H O R O S C O P I O

ARIES (mar. 21 a abril 19 Es mejor trabajar solo que esperar que otros lo ayuden hoy, puesto que no están en el humor debido. No sea demasiado descriptivo al expresarse. Seleccionen las palabras con cuidado.

TAURO (abril 20 a mayo 20 Manténgase ocupado en su trabajo más importante en vez de tratar de criticar a otros o tendrá problemas con sus superiores. Busque buena voluntad. Demuestre su lealtad a las personas de fuste.

GEMINIS (mayo 21 a Jun. 20 Cerciórese de terminar cualquier trabajo a mano antes de ir a otros lugares y penetrar en nuevas empresas. Quite del camino las ansiedades confidenciales. No deje de cumplir las promesas.

CANCER (jun. 21 a jul. 22 Usted tiene una buena armonía con sus amigos la cual puede ser entorpecida si sigue lo que un experto avaricioso quiere que haga. Esté solo por un tiempo y aclare sus pensamientos.

LEO (jul. 23 a agto. 22 Usted sin duda puede ampliar su pa-

norama ahora muy habilmente pero haga planes sólo para el momento. Espere un día mejor para la acción. No sea exigente con un asociado.

VIRGO(agto. 23 a sept. 22 Trabajar demasiado aprisa de modo que moleste a un compañero que labore más metodicamente sería malo ahora. Sincronice bien su tiempo: podrá lograr más de ese modo.

5 CRIMINAL DI NORVIETNAM A SER FUSILA

SAIGON--UPI-- Cincuenta criminal comun vietnames a ser fusila awe den plaza di Mercado central di Saigon. E ejecutadonan no tabatin vinculacion cu Viet Cong pa cual nan ta supone cu e comunistanan no ta probecha e ocasion pa tuma represallanan cu e prisioneronan di guerra norteamericano, cu e tin den supoder. E fusiladonan a ser condena na morto pa e delitonan di asesinato, robo. Viet Cong a anuncia na cuminsamentu di e siman aki cu nan a ejecuta dos prisionero norteamericano como represalia pa e fusilamiento, siman pasa na Da Nang, di tres agente di Viet Cong. Un prisionero norteamericano a ser ejecuta tambe pa represalia pa e fusilamiento di un terrorista survietnames den luna di juni.

LIBRA (sept. 23 a oct. 22 Conozca lo que otros quieren en lo concerniente a diversiones y acepte las ideas amigablemente. Tenga cuidado de no ser extravagante. Adhlerase a un termino medio, lo mismo que en los negocios.

ESCORPION (oct. 23 a nov. 21 No se interese tanto en lo que sucede en su hogar que descuide su trabajo con sus socios, los cuales necesitan su ayuda. Mucho depende de la ayuda de los que están en el mundo exterior.

SAGITARIO (nov. 22 a dic. 21 Si trate de ayudar a otros mientras logra sus ansias a la vez obtendrá respeto y agradecimiento de ellos. Es necesario que refina todos los datos. Búsquelos empeñosamente, apropiada para cualquier profesión de la nueva era donde deba adherirse a los principios verdaderos.

MERCA LO YUDA EXTERIOR CU 3.200.000.000 DOLLAR

WASHINGTON--UPI-- Delegadonan di e camara i representante i senado a despacha awe favorablemente un proyecto di ley di avenencia pa financia na exterior

CAPRICORNIO (dic. 22 a ene 19 Trate de no verse tan comprometido en los asuntos monetarios que se olvide de todo idealismo. Usted puede equivocarse. Sea más humano, práctico. Demuestre que tiene habilidad.

ACUARIO (ene 20 a feb. 18 Aunque se sienta más bien nervioso e imaginativo, impaciente, trate de controlarse o saldrá perdiendo. Muéstrese firme, a pesar de las tensiones. Demuestre su madurez.

PISCIS (feb. 19 a mar. 20 En vez de sentirse engañado por otros, póngase a trabajar y quite del camino esas obligaciones importantes. Hágase de un buen sistema. Librese de molestias pequeñas. Use su sentido común.

SI SU HIJO NACE HOY..... Será una de esas personas que quieren cambiarlo todo a su alrededor. Dele la educación

Hulanda a conveni 36 millon florin pa financia programa di desarrollo na A. Latina

WASHINGTON -- UPI -- Banco Interamericano di Desarrollo - (BID) a informa awe cu gobierno di Hulanda a conveni na pone na posicion inmediata 36 millon florin (10 millon dollar) pa financia programanan di desarrollo den America Latina, den cooperacion di BID.

E convenio cu Hulanda a ser estableci mediante un intercambio di carta efectua awe den e sede di BID, segun a ser informada den e propio agencia di credito internacional. E prestamonan cu ta ser concede cu fondonan proporciona pa

Hulandes lo ta transmiti a traves di "De Nederlandse investeringsbank voor ontwikkelingslanden N.V.", y lo ta destina cu periodo di gracia inicial te cu den N.V.", y lo ta destina na programanan di ayuda, incluyendo asistencia tecnica, pa plazonan di te 25 año, cu periodo di gracia inicial te cu siete año pa e prome pago.

Etasa di interes lo no ta superior na loke e banco ta carga pa prestamonan otorga cu recursonan di capital ordinario, cu ta actualmente di seis porciento anual.

Por lo menos den 80 porciento, e adquisicionnan cuta ser efectua cu e fondonan señala lo ser hasi n Hulanda. E 20 porciento restante, den casonan califica, por ser emplea pa cubri gastunan local di e país deudor.




Lo ta aceptable e projectonnan cuta proporciona financiacion paralela di e banco y di e gobierno di Hulanda, o esnan cu BID ta proponga na Hulanda pa su financiacion independiente.

Un comision conjunta di gobierno hulandes y di e banco lo considera cual ta e projectonnan aceptable pa ser financia cu e fondonan suministra pa 6 hulanda, den cual seleccion tambe lo tuma parti BID.

PEPITA



BUCHI ROBES



Suzanne su bida romantico

Gerhard ta keda miré, manera un hende cu no ta comprende kó loke e homber ta papia. Despues e ta cay sinta riba un stoel, y ta tapa su cara cu su dos mannan. Miller ta duné tempo pa normalisá su mes. Pero no mucho, ya cu e no por tuma riesgo cu Barbara su temperamento. "Ban nos mester haci lihe Baron. Ami a pasa mescos cu bo. Mi tabata cana rond di e candelabro cu miedo pa aserlé. Y mi tabata den un mal bñs. Pero Barbara a hinca mi den dje cu mi nanishi. Y awor mi ta hayami aden, pero no den candelabro, pero den mi felicidad." "Danki dokter. Bono por realisabo, cu agradecido mi ta". "Pero pesey bo no tin nodi ranca mi brazu for di su lugar. Si

Barbara mester haya sa, cu bo a ranca maske ta un draachi di mi cabey, lo evengabo cruelmente". Gerhard ta sigui su tras, pero ta parse cu e ta sonjando. E no ta tende con Barbara ta grunjando sin pasenshi. "He, porfin. Hombornan ta mes terco cu un buricul". "Pero nan tin pasenshi y ta soporta hopi cos", Miller ta contesta. Y despues di esey ningun di nan ta papia un palabra, te ora cu nan a baha Gerhard na cas di Holtofer, "Hopí suerte", Miller ta desee. "Ta lastima", Barbara ta bisa suspirando. "Pronto nos bunita cas bjeuw lo keda bashi". "Por lo menos durante un generacion", Miller ta contesta animado. "Mi ta sigur cu nos lo haya un jiu, cu tin algo di sanger

di cunucero den su venanan". "Wel si, asina leeuw nos no a jega alnda", Barbara ta protesta. "Por lo pronto ta nos ta existi." "Naturalmente", Miller ta contesta, mientras e ta paga e motor di e auto. E kder demostra Barbara kiko e tin cu soporta ora cu e ta den su cercanía. Entretanto Gerhard ta para riba e stupi di e sala. E ta mira e mucha muhe tierno, cabey blond sinta dilanti e weefstoel, y e sentimiento di felicidad, cu e ta sinti for di ora cu e dokter a bin blishité ta cambia den un sentimiento di humildad profundo. E ta cana hala mas serca y su man ta mishi cu su schouder. "Un trabou nobo, Suzanne?" Tabata mescos cu antes atrobe. Maske cu a pasa lunas entre

nan dos. Suzanne ta admiti cu su cabes, y lagrimas ta brilla den su wowonan. "Ta esey ta e objeto? Ora cu Suzanne a duné e pintura, nan dedenan ta mishi cu otro. Gerhard ta coy su man tene. "Bo por pordonami Suzanne. Mi...." Negativo Suzanne ta sacudi su cabes. "Por favor, mi no por...." Su stem ta klink iloroso. "Mi ta stimabo Suzanne. Mi tin mester di bo, nos tur tin mester di bo na e castillo, principalmente e mucha Bo ta bin cu mi?" Gerhardi", Suzanne ta exclama y su wowonan ta brilla. Porfin, porfin e tin derechodí coy e figura delega brazu. Man den man, nan ta cana bay na e castillo. E hendenan cu nan topa, ta drey keda miranan. Pero ta kiko ta importa? Semehante gesto-

nan no ta di importancia den e momento di felicidad aki. Den e cura dilanti e castillo e sirvienta ta trece e mucha den su wagen. Cuternura Suzanne ta keda mira e criatura. Wowonan color scur ta keda mire na un manera investigador, y den esey e mucha ta cuminsa hari masha entusiasma. Kramer ta saltiendo pafo, y su wowonan ta brilla ora cu el a miranan. "Bo a bñra bon atrobe?" Gerhard ta bay topa cu su sirvienta fiel. "Ta tempo pa bolbe cuminza di nobo, señor baron." "Si", Gerhard ta contesta, dirigiendo su mes na Suzanne. "Laga nos cuminza di nobo". E ta pone su brazu riba Suzanne su schouder, y awor nume e sa, cu en realidad su bida a cuminza. F I N

ATTENTION PUEBLO DI ARUBA

Esaki ta Realidad

NADA DI CHENS

GANA PLACA OF RON UNBES

TUR HENDE TA GANA!

SIBONNÉ E RON DI HALTA CALIDAD

Sin Rifa

TA OFRECE NA CONSUMIDORES

DI SIBONNÉ *LO SIGIENTE:*

<i>Botternan Bashi di Sibonne 48/4</i>	<i>Fls. 0,05</i>
<i>Botternan Bashi di Sibonne 24/2</i>	<i>Fls. 0.05</i>
<i>Botternan Bashi di Sibonne 12/1</i>	<i>Fls. 0.10</i>
<i>Botternan Bashi di Sibonne 1/2 gallon</i>	<i>Fls. 0.20</i>

Pa 5 Tapas di Sibonne - 1 Botter di Ron 48/4

Pa 10 Tapas di Sibonne - 1 Botter di Ron 24/2

Pa 20 Tapas di Sibonne - 1 Botter di Ron 12/1

Pa 200 Tapas di Sibonne - 1 Caha di Ron 12/1

PA SABOR Y CALIDAD

RON SIBONNÉ!

CAMBIA BOTTERNAN Y TAPAS NA TUR RUMSHOP Y TIENDA FAVORITA!

